

[corona | covid-19]

Utaqqiisaannaagallartumik inerteqqutit



Sumiiffiit tuniluuffiusinnaasut matuneqarneri

Sumiiffinni katersuuffiusuni soorlu storcenterini, qitigiartarfinni, illullu iluani timersortarfinni utaqqiisaagallartumik matuneqassapput. Aamma kiffartuussinermi suliffiit, soorlu nujaleriffiit, tagiartuisarfiit kakiuisarfiillu isumannaatsumik ungasissusersuinissamut periarfissaqanngitsut matussapput. Ulluinnarni atortussanik niuertarfiit matusinermi ilanngunneqanngillat.



Pisuni inuit qulinik amerlaneruppata ataatsimooqqusinnikkallarneq

Illup iluani silamilu inuit qulit sinnerlugit ataatsimoorpata inerteqqutaagallarpoq. Angerlarsimaffinni inuit qulit sinnissanngikkaat aamma inassutigaarput. Suliffinni, angallatini ilaasartaatini pisiniarfinnilu inerteqqut atuutinngilaq.



Politiit akuliussinnaapput

Sumiiffinni ammasuni, coronavirus/covid19-imik tuniluuffiusinnaasuni, inuit qulit sinnerlugit ataatsimoorpata politiit akuliussinnaatitaapput. Peqqinnissaqarnermut oqartussaasut innerssuussutaat nalinginnaasut, inuit atassuteqamerisa annikillisarniarneqarneranut aamma ungasissuseqartariaqarnermut periutsip malinnissaanut politiit naliliinerminni tunngavigissavaat.